

四庫全書

集部

欽定四庫全書

集部

兩宋名賢小集卷一百五十五至

詳校官中書臣閔思毅

助教臣常循覆勘

總校官編修臣王燕緒

校對官助教臣汪錫魁

曆錄監生臣朱恩

欽定四庫全書

兩宋名賢小集卷一百五十五

宋 陳思 編

元 陳世隆 補

五峰集

胡宏字仁仲文定仲子幼事楊時侯仲良卒傳其父之學紹興中以蔭補右承務郎卒學者稱五峯先生

有集

題上封寺

百年身似客浩蕩世間遊  
入望青山好夢魂偏我留  
我家巫山十二峰浮江直過巴陵東  
瀟湘水與蒼梧通環  
遶衡嶽青冥中扁舟白雲不可度  
杖藜臘屐乘春風山  
光浮動可攬樹雲舒霞卷飛煙虹  
深巖大壑翠嶽嶽足  
力已到心無窮羣峰迤邐勢不競  
上盡祝融五千仞祝  
融峰高天更高太空人世如牛毛  
風雲萬變一瞬息紅  
塵奔走真徒勞

觀建安七子詩

作文發妙理經國勸遠圖遊目建安中才子足歡娛西  
南落漢日揚益奮兩隅山河裂地軸星象分天衢八師  
過有姚萬世垂楷模一元均大化五服擁皇都悠悠彼  
七子流光失其孚飛觴宴婉孌鼓瑟吹笙竽主人敬愛  
客徒爾相揚揄魏祚竟不長貽謀止斯須逡巡四十年  
橫流被八區所以漢高帝嫚罵輕文儒

和江子玉

無竒試學居盤谷誰信斷絃膠可續湘天冷落數家村  
曩時曾枉旌麾沐潺湲階下碧溪橫柳靜風微幽意足  
知君文武濟時才舊時軍律寒生粟文書脫略是人師  
應有魏昭能換粥我無真樂送芳年悵望顏回屢空腹  
淒涼指日秋風高願更同來寫心曲

西林寺廓然有懷

超然峰頭秋氣清廓然堂延秋月明我乘清秋弄明月  
中有所感思冥冥峰勢凌蒼穹上有烟林封去天不盈

尺路斷心忡忡虛名過耳如松風

同伯氏還鄉

江村沙暖萋萋長味比枸杞餘甘香茁茁荻芽生近渚  
紫花臺菜初未嘗白羊烏豕俱在牧茆舍竹籬真故鄉  
人生未必須富貴萬事且願身康強徑買官場舊醅酒  
共醉春風殊未央

桃源行

北歸已過沅湘渡騎馬東風武陵路山花無限不關心

惟愛桃花古來樹聞說桃花更有源居人共得仙家趣  
之子漁舟安在哉我欲乘之望源去川源遠近蒸霞開  
一片隨水從東來及晨徧覽三春色莫使風雨空莓苔

題法輪寺

春色初收夏氣清路分松檜入崢嶸深盤峻嶺千峰下  
遠抱瀟湘一綫明大衆總迷身在處三關除却道方平  
山林若是有情住何異紅塵爭利名

絕句



幽人偏愛青山好為是青山青不老山中出雲雨太虛  
一洗塵埃山更好

兩宋名賢小集卷一百五十五

欽定四庫全書

兩宋名賢小集卷一百五十六

宋 陳思 編

元 陳世隆 補

野處類藁卷上

洪邁字景盧鄱陽人皓季子紹興乙丑中博學宏詞  
科孝宗朝累遷中書舍人兼侍讀直學士院拜翰林  
學士進煥章閣學士知紹興府以端明殿學士致仕

卒贈光祿大夫諡文敏有野處類藁容齋五筆夷堅  
志萬首唐人絕句行于世

秋日漫興二首

江湖久客日思家坐覺微霜上鬢華  
節序又催秋後鴈風光爭發雨前花  
倦遊已夢莊生蝶不飲何憂廣客蛇  
怪底朝來衣袖薄一川白露下蒹葭

一夕西風木葉飛畫梁落月淡餘輝  
銀燈夜照還家夢金剪親裁寄遠衣  
霜信早隨新鴈至素書深訝故人稀

無因為謝東曹掾鱸熟尊香莫使歸

庚戌正月十四日同友人丁晉年王蔚之謁普照

塔

孤塔鶯霄漢晴影金碧眩重來得寓目歸枕尾殘汴緬  
懷何姓人哀禱傾淮甸是身如皎月有水著處現彈指  
遍大千何止數鄉縣惟應因緣地聊爾共流轉顛危悔  
勒馬善涉悟覓扇君看悔與悟只在一轉盼至人獨何  
心示此禍福變當知夙緣定莫作邪道見哀哉衆生愚

積惡稔天譴云何一朝急賴此香火薦我來適燈夕寶  
蠟明邃殿還揩客眼塵重睹浮屠面朝來塔上鈴告我  
風色便平淮一回首岸容夫葱蒨

曉過吳縣

舟行有嚴程越國常曉發雙艚兀殘夢起坐窺落月人  
家岸野水霧雨籠邃闥遙憐瑣窗人敲枕聽嘔軋

陪餘杭張無垢先生飲

先生結屋在人境門巷蕭蕭作冰冷紛紛入眼不入意

坐客千言不相領，叩闕聞我倒屣迎。重解舊榻塵埃生，  
向來妙處久不吐。一挽天漢崑崙傾，共說別來經世事。  
我言所向皆兒戲，胸中硯礪不用澆。便有清愁說無地，  
士林師範六十翁。先生合在伯仲中，願言終賜指歸處。  
為君敬作魯南豐。

於潛道中

山行厭鞿確，理策扶杖危。綠野三兩家，一息知可期。再  
冉晴林端，炊烟裊晴暉。居民豐且樂，恐是太古遺。那知

都邑間百索困鞭笞繁華今何有半作道旁羸

度芙蓉嶺

幽泉端為誰放溜雜琴筑山深春未老泛泛亂芷馥娟  
娟菖蒲花可玩不可觸靈根盤翠蛙老作蛙蚓戲褰裳  
踏下流濯此塵土足何當餌香節淨洗心眼肉餘功到

方書萬卷不再讀晚歲窮名山靈苗縱穿斲

菖蒲服之通神令人

聰明健記

信州禪月臺上



玉峯點寥廓霄漢疑可梯  
玉水環城陰艷艷方拍隄  
層臺檀二美吾策時一攜  
何當蠟我屐更欲照以犀  
塵勞不相赦竟類窮途迷  
吾生麋鹿爾不羨駕駱驪  
向來丘壑懷語發人所詆  
長安黑頭公玉勒朝金闥  
山林出戲言廣已無端倪  
誰收遮日手歸把耕雨犁  
紛紛塵土中等是舞甕雞  
頗聞山水間幽子飯藿藜  
行當踐此語絕境同攀躋

送禪師往妙香寺元住雲溪

道人捨幽居誰管溪上雲此身白雲耳遑暇南北分頗  
聞妙香山天花雨續紘宴坐丈室間歷亂舊衲紋山前  
路悠悠山後水云云應觀川途客念我奔走勤豈無香  
火緣他年往相羣飽食跛鐺飯稀摘幽澗芹當令枕花  
臺白社掩前薰

坐睡

坐久睡屢兀手失未了書清風脫然至心醒得我娛起  
看孤隙光了不移錙銖云何短夢中萬境生須臾嗟彼

市朝子百巧營其軀安知非夢役過眼滅無餘至人有  
達觀那與世賢愚不須無言子同上崑崙墟

游山光寺

寺藏兩山腹路轉百步陰登高試病脚掬冷清煩襟敗  
壁龕石刻歲月不可尋惟應查公石俯仰閱古今屋古  
困枝挂推頽力難任何當咄嗟辦嗣彼鍾梵音興衰豈  
關吾得酒且滿斟歸路有溪月攬之醒吾心

送建州徐生

人羈天地間誰非一浮萍泛然偶相值便有離合情君  
家武夷下歸路塵眼明我生愛山者夢寐秀色橫秋風  
送客去把手更心傾邇逢山中人為我寄此聲

贈覺師

覺師儒門秀脫屣世故早那知軒冕味夙悟心已槁惟  
餘章句習心境時相惱如人生於齊而即楚鄉老雖遭  
楚人咻微音或清好固無益生死亦未妨至道家山亦  
何有駸轔衣間窖叢林選佛場一擲想盆倒云何憇故

居俛仰待華皓他年空手歸子語吾為老幸分曹溪水  
萬劫付一澡

休寧村落間有竒石時彈子渦所出宜養石菖蒲  
程德藻許以餽我以詩督之

君家綠溪上岸曲溪成渦渦間石無數水盛相蕩磨誰  
嘗掬而戲一一印指螺我欲往取之擁此菖蒲窠石罅  
注新汲幽姿發清哦夫子許餉我往督書已多願言速  
寄興起此泉石病

效淵明

人生本無事况我麋鹿姿一墮世網中永與林壑辭此  
行獨何事豈不為寒飢弱歲慕古人頗覺世好卑那知  
齒髮邁終然此心違春風到山澤魚鳥亦知時我行何  
日休流目瞻長岐且用陶翁言一觴聊可揮

酬馬退翁見示之什

我家大江左江水日夜東遙瞻發源處乃在西南窮相  
望邈異境正北一水通故令我與子迹遠心自同我生

寡所諧強顏紅塵中倦飛矯歸翮飢吟咽寒蛩獨依得  
吾子萬慮一笑空時時出秀句醒我如風松當知山澤  
懼不鄙犀角豐彈冠實伊始此生各飛蓬卜鄰應未必  
即事聊從容

戲答胡汝能

吾生苦中狹與世枘鑿乖平生素心人耿耿不滿懷汝  
能伯始後遊世如嬰孩相逢握手語便作瑣麈諧時時  
笑謂我如子患未涯執古以規今求合誠難哉涉世幸

未遠子車尚可回我介足憇忘君通絕嫌猜不見山巨  
源雍容居鼎台不見嵇中散絕交自可哀賢愚心自了  
短韻共一吟

謁吳公路許借論衡復留一日戲作

幽獨不自得駕言款齋廬殷勤主人情投轄恐回車轄  
亦不須投此去將馬如惟憂酒錢盡使吾詩腸枯會合  
曾幾何可復自作疎更當留一夕帳中搜異書

新秋



幽人無與娛耳冷百不聞新米熟未知但覺市酒醇滄  
洲散秋色山水逾清新一醉不忍獨念我存故人

道中得雨

吾行田野間吁嗟連數村千山收宿雨谿作黃梅渾漸  
看風葉底一洗龜坼痕餘功被行客稍壓旱塵昏

道中

驕陽久自殺一雨蕩龜坼田夫夢亦好翻龐已幽咽朝  
來喜相晤一飽心已決翻翻風葉亂娟娟露芒出去年

禾欲秀積潦滿秋澤今年豈堪早束手就溝壑我生拙  
謀口藜藿甘如蜜向來真過計憂民豈吾職赤子天可  
憐嗟人獨何力何須事兒戲合杳來賀客稍欣新稻熟  
社酒行可覓當同扶路翁醉歸舞南陌

無題

前年溪上秋風時主人酒熟烹黃雞歸來醉倒睡便著  
父老喚起牛羊蹊先生一醉寧易得未辨身為貴人客  
征西將軍爾何人那用尊前驚墮幘朅來明月再經秋

聞道軒名涎已流，懸知得酒推不去。此客有轄何須投，  
今我正為奔走役。空想題詩滿高壁，若逢落魄姓回人，  
為問何時定相覓。

書窗對月

天公自厭雨，一夕開寒晴。霜風淨曠野，鴻落有餘聲。飢  
鴉得林靜，霽月素窗生。慰開睡眼色，一洗空花橫。故人  
千里餘，壺濁誰與傾。遙知勸影杯，共此通夕情。今冬有  
奇事，三見飛玉英。明年溪上路，誰餉雨中耕。

宿野人家

夢裏滄波搖一葉覺時正受肩輿元人家一宿晚可投  
新席槁梧香更滑霜前擺種收百畝稚子新能牧鷺鴨  
我生本是个中人挾策久矣猶能說

度石棟嶺

我行欲安適策馬踰山樊谷深不可瞬危磴爭蹂援坡  
陀兩山間寂歷三家村茅簷青裙婦蓬髮新烟昏敲冷  
那可飲分我一掬溫郎樵晚未歸客至不與言不奉沙

頭卮肯投柳下門作詩配國風行者式其藩

用退之韻賦新霽

春泥窘幽步苔上屐痕少新清一褰衣綠葉藏啼鳥方  
塘艷宿漲古鏡窺清曉華顛忽自笑綵羽墮驚矯瞻言  
雲中耕縹緲穹脊繞歸把東臯犁此念何日了

送金確然歸弋陽

昔我雲溪居送子雲溪漬重來問何如笑指溪上雲一  
別四周星坐此世故紛衰顏兩非昔華髮粲可耘我纏

風樹悲終日無一欣子乃菽水憂尚此奔走勤對牀語  
未終慙知便離分霜風吹客袂別意如絲琴子歸葛陂  
上去路接鄉粉歸夢尚隨子何當歎離羣

至節日建州會詹士元

嗟予身百憂佳節過倥傯客愁隨綫增歸思與灰動當  
年從子日未覺百慮重高堂遠牀呼一擲有餘勇那知  
客天涯相對寒骨聳歲月曾幾何鬢綠今種種忍飢山  
藥煮附煖地爐擁深藏斷往還衰病脫拜拱興言望鄉

闕雲物方鬱滃空餘相屬意杯酒久不捧

用前韻答翁子靜

客心既岑寂節物亦倥傯幽蘿菊初暗深壑梅已動古  
人微尺璧顧謂寸陰重欲從夫子遊掣肘媿不勇松高  
節磊砢鶴老格清聳當知山澤臞誰笑將相種一官戲  
人間叢書以自擁微言聞緒餘三歎手輒拱青天本寥  
廓不受雲霧滃願言瞻清明茗椀不辭捧

微雨

端居身百憂况乃貧病俱天公頗相愛相愛雨我蔬藥  
區曉晴新日薄生意蘇衛生固未必一飽行可圖故園  
天一涯郊荆誰為鋤崢嶸歲云晚此念當何如

寄題叔父池亭

一壑久藏勝數椽忽開亭方塘蔭瓦影淨見魴鯉行主  
人有嘉招轉柁失高城不知幾揺兀我舟上崢嶸尊酒  
酌芳醪園蔬煮柔青翩翩射鴨方一笑甜練翎那知海  
陬姪斗粟忘歸耕餘生信萍梗歸夢識林垆漲水有回



波故鄉豈無情一醉會有日因之濯我纓

贈謝彥翔建安人九歲異人與藥至今不食建安  
有梅子真升仙處

我本世味薄寸田足自營年來荆棘盡稍有梨棗萌但  
恐骨相凡未敢希長生陳留達人後未覩犀角盈舊游  
記三山幽夢徹九清邇來三十年但覺膏粱腥幽尋飯  
綠隨默卧誦黃庭顧我塵土中深憇夙心傾仙人吳門  
卒解後煩寄聲相期朝金闕鶴馭何時征

考亭陳國器以家釀餉吾友人卓民表民表以飲  
予香味色皆清絕不可名狀因為製名曰武夷仙

露仍賦一首

二年飲水閩中村忽見玉醴傾甕涓涓醍醐灌熱腦  
耿耿沉澀明朝暎早塵久漲塵市暗渴夢欲挽江湖吞  
何人遠致雙鯉信知我來扣羅雀門不須邀月已清絕  
尚恐熨齒當微溫要從華池吸真液豈獨玄鬢滌愁根  
微茫已識投轄客蛾眉似返當壚魂竒功誰續伯倫頌

妙意要與淵明論胸中我自涇渭筆下君已傾崑崙  
詩成寄與約他日飲君與我空瓶盆

久旱新歲乃雨

高田土可麓下田不受犁遺蝗憂插啄况乃麥未齊赤  
子天自憐溝壑忍見擠雨逐新歲來停雲忽淒淒莫辭  
三日霖為作一尺泥汪汪既沒膝灑灑仍拍隄漸看蓑  
笠出笑語喧吟哇我欲與寓目父老同攀躋此身羣萬  
生擾擾舞甕雞曾亦無幾求脫粟配羹藜永言故隴耕

老眼路淒迷好收斂手版鋤耰歸自攜

春日與卓民表陳國器步出北郊

灼灼桃吐華濯濯柳垂縷芳菲挽人出春力乃如許嗟  
余閉門客佳節過不數不因可入呼那得幽步舉客如  
山陰勝詩作斜川語誰言一尊酒妙處合千古歸來讀  
殘書耿耿霜月苦空餘流落心三歎非吾土

蔬飯

歲奉嬰兒手笋解籜龍蛻薦羞杞菊間來斲烟雨外嗟

余飯藜藿咽塞舟汴瀨朝來二尾魚一飯良已泰充腸  
我誠足染指客應慨平生食肉相蕭瑟何足賴王郎催  
牛炙韓老憶鯨鱠俠氣信雄夸戲語亦狡獪吾師曾顏  
子陋巷翳蓬艾執瓢不可從一取清泉漱

戲贈吳知伯

條侯得劇孟吳楚坐可馘我知無能為失此一敵國偉  
哉竒男子俠氣橫八極書生復何者駝麟老筆墨刺口  
論安危事往竟何益匹夫嘯空野驚塵一方塞區區空

有意浩蕩洗鋒鏑何如吳王孫語輒面浮赤交游得朱  
亥負販鄙膠鬲腰間鐵絲箭上鏃紫塞嗣笑指蛇豕區  
減此而後食諸公未備知欲薦恨無力明日我過君烹  
牛啖社客當書游俠傳今予姓名白

送僧

空中世界紛河沙不知底處為天涯乾坤百億在指掌  
觸處與子同一家云何猶作去來想千里一跌毫釐差  
坐令契潤費星紀嶺雲欲寄山川遊撥眉相對此何日

丈室淨掃餘天花詩毫辨古久投閣萬竅寂歷風無譁  
為君遊戲出三昧妙處那復相聱牙往將妙響應空谷  
一任飛錫凌蒼霞

欽定四庫全書

兩宋名賢小集  
卷一百五十六

五

兩宋名賢小集卷一百五十六



欽定四庫全書

兩宋名賢小集卷一百五十七

宋 陳思 編

元 陳世隆 補

野處類藁卷下

書僧房

陸續流泉自成句  
來擁紅爐聽山雨  
道人更有深深處  
語曲如珠蟻絲度  
几硯無塵寒欲霧  
雕盤篆破孤螢吐

味如嚼蠟那禁咀茶甘未回君莫去

題蘆鴈屏

征鴻坐何事天遣南北飛蕭然如旅人無情自相依孤  
葦吹欲折秋風不勝威冥冥一孤騫空費弋者機寒聲  
落烟渚相應不我違嗟吾識此情手納空嘆歎安知丹  
青師落筆乃庶幾畫形孰不工畫意識者稀他時因吾  
句購此千金揮

題臨賦軒

蒼山圍岑寂下有一水奔閉戶卧風雨束蒿翳籬藩寥  
哉祇樹人心遠忘世宣此身自濞廬長物餘此軒鳥語  
幽夢斷香橫經帙翻未成借路行自要窺潺湲遠師淵  
明意不媿靈徹魂月度了無迹風行偶成痕心境兩清  
妙尺喙何由吞賦詩安所取碧雲未足論何當搗朱絲  
窈眇絃我言

答併安江師送米

不見道人久天涯歲云除朝來食指動忽接送米書念

師折脚鐺五合未省餘雖無覆餗禍尚有乞食逋云何  
憐孤客日受飢火驅未嘗貸監河矧肯索胡奴誰言千  
升意矯矯超萬夫嗟予事筆畊輕棄南畝鋤恩煩方外  
客此計良已疎何時事粗了歸葺五畝居生涯寄綿竹  
豈即非良圖不為泉壤蚓願學江湖魚

陳德瑞饋新茶

空山冥冥雲霧窗春風好夢敲殘缸朝來果得故人書  
微凸而么犀鈔雙貴人爭買百瓔珞此心兒女久已降

坐觀市井起攘袂念之使我心紛龐領君此意九鼎重  
我雖有力安能扛何時來施三昧手慰我渴夢思長江

次韻希旦喜雨

驕陽挾酷暑何啻虎而翼高田土可麓況乃耕與植風  
伯真可訟雲合吹復拆那知下土民糟粕配椽實古佛  
栖巖隈旱沴豈我責應緣賢令尹閔雨丐法力積陰暝  
山谷流潤淒几格朝來賀客散置酒浣愁疾古詩成雲  
外險句動潛蟄旋看蓑笠出競喜溝澮溢誰言令與佛

念我一何恚嗟吾困蒿藜最覺民可恤何當問牛喘免  
使訴魚失九闕虎豹守懷此欲安適誰哉此心同吾飽  
將何日

古風二首寄汪明道

紫蘭初茁芽深壑終自秀翫蕭艾中不來則誰咎兒  
曹逐紛華壯士保窮陋應知此詞同萬世無先後

浴士白人眼從誰明此心不欲故人見訶我車轍深蕭  
然江上廬客卧詩書林得句不相寄誰賞氣駸駸

建安道中

吾生意行初不謀  
汎汎何啻波中鷗  
攜家來作閩海夢  
三年客食天南取  
我先人廬在何許  
大江之左道阻修  
奉新家有手足愛  
隻身歸掃先梧楸  
旋當來此營斗粟  
南北顛倒無時休  
此心轉與世事左  
自作磨蟻將誰尤  
安知不滿達者笑  
窮達一戲如觀優  
咄哉吾語亦已墮  
且與造物同浮游

書事呈元聲如愚起莘三兄

隱吏朱墨暇飽眠北窗風時呼方外客避暑尊酒中寂  
寞杜拾遺四壁口不供坐取盤餐款哀哉豈天窮何如  
平生友磁鐵間不容每懷千里駕今作五斗逢吏行散  
鳧鷖楸局收鸞龍共話十年舊事往如飛蓬浮榮真一  
戲何者為窮通應須河漢語淨洗芥蒂胸僕夫適在門  
客醉尊亦空更為後日約及此芙蓉紅

寄題起莘家義軒

貞觀盛德後餘慶木梁央舊聞閩海家欲縱燕山芳教



子嗣先訓開軒翼中堂地偏市朝遠几淨書簡香先生  
陳太丘飯糜百憂忘弟子俱羯末不聞觸屏僵一變豪  
俠窟遂成鄒魯鄉下車里門外他年看諸郎坐上行素  
髮說說立冠裳我詩句可絃請以侑壺觴

梅花

山深春未動沙淺水欲冰玉梅於此時靚粧畧無朋露  
蕊欲的皜月枝挂鬢髻儼如江漢女可愛不可陵他年  
江南路曉粧犯嚴凝尋香烟雨中橫斜插茅簷却數今

幾日癡如秋後蠅北嶺桂欲空誰與扶一登聊分窺水  
影依我照字燈坐使惜花夢臨風脚騰騰昔如夢中螺  
今學桑下僧了知菩提長念起我何曾

十一月十九日與仲猷大年綽中美中飲於南臺  
空山欲暝雲冥冥玉梅半開吾眼青此身垂欲走塵土  
聊復舉酒看崢嶸折腰向人不知恥故園可鋤在千里  
金昆石友一開眉珍重道人相料理楚江東岸先人廬  
竹君安否久無書歸歟何時應白首我若食言如此酒

春社齋禁連雨不止賦呈夢得

歲豐農猶飢歲惡何可說哀哉半菽氓罪歲同一舌年  
時旱塵漲腸盡不見雪青皇忽雨我萬頃麥苗活令尹  
民父母溝壑思手挈祈年祓齋居有酒不忍設那知挑  
李徑狼籍香泥滑芳意一如此坐恐及鷓鴣郊原佇開  
晴出勞南畝饁秋成已在眼一醉宇宙豁更呼漣裙人  
勸此側帽客和公斜川詩磨石饒歲月

次韻夢得見示長篇

雉馴不因媒鳩煖自呼婦詩成桃李陰知是霹靂手簿  
書我亦厭丘壑渠自有却憐支離疏飽食得薪樵俗夫  
嘗世味甘苦半噦嘔知公超然處心跡兩無垢愁陰老  
芳物蟲鳥故相誘浪盡費收拾柔條可結揉豈無我輩  
人一醉開笑口那知市門底客倦枕兩肘眼高可人稀  
命蹇亨運偶平生願執鞭見謂余小友細觀豈弟心宜  
在帝左右却來塵埃中寂寞對五柳敲音藏鵲羽正待  
荆雞剖學政容窺譜問字當載酒虛名翻誤夢恐坐箕

與斗言詩終不稱永媿賦瓊玖

身閒書有味吏傲俗不親小窗據物表掃盡心眼塵令  
尹垂珠玉敲門喚行春作意向芳物吾車曾未巾愁陰  
入病骨鳩婦聲亦嗔冥冥三日雨桃李迹已陳空餘深  
枝間一一青子新穠芳殿春晚猶堪慰佳辰醪醑曉粧  
靚芍藥醉臉勻白萼簪嫋嫋風枝倒粼粼言當呼短舞  
抵掌回雙顰年來得相從稍覺安沉淪豈不挂俗事察  
公極清真眼中醉鄉路風味良獨醇流光不容玩尺璧

何足珍漓俗益可厭願言勤問津

牡丹醱醑各一首呈周宰

珍藜壓朝露無人羞欲敲春風醉香骨綽約不自持誰  
憐曲肱人一笑遺穠姿不言意可了君醉當勿疑

糝淡洗逾靚肌香薰不成皎然月露姿一笑午景晴聊  
移夢蝶牀相對戶不扃誰令春雨暴睡起春縱橫

次韻夢得淺紅芍藥長句

十日愁陰病不出卧看春歸無計惜詩翁遣送淮海春

衰眼熨開雲霧拆胭脂注臉勻未遍肉紅借酒生春色  
了知造物著意深傾倒春工不餘力年來不顧秦洵女  
載酒非公復安適且將妙句寫餘妍欲立佳名付精識  
一春頗困歌湮沒回首紛華三太息願言乞與洗心方  
歸對爐香誦周易

宿禪寂院

夢中一葉搖江湖困睡不覺身籃輿眼明佛屋麗丹碧  
瓦鴟鐵鳳凌空虛疲民日者困苛索半作頰尾相濡魚

鵜鷓數罟兩不置肯念竭澤明年無道人誰與辦此事  
斤琢千指開渠渠頗疑如幻三昧力上方手攬歸吾廬  
了知舌本法輪轉咄嗟檀施爭奔輸不辭割愛一念善  
誰謂歲惡窮民愚書生袖手對溝壑力不能援心煩紆  
事無大小成者少談說治亂何區區調卑絃急誠齟齬  
鑿圓枘方尤濶疎古今罪歲同一口撫掌一笑皆愚儒

詩約范直夫遊萬葉寺觀瀑泉

范侯隱下吏風尚本丘園身投攫金市聚書以自藩炯



然如孤月不受黃流渾要知句律工競病何足論我生  
羣末俗涇渭同一源同心無楚越傾蓋如弟昆人生各  
有役不暇捧一尊風蒲挂南浦念欲東南奔對牀定何  
夕青燈照晤言懸知吟詩處千尺銀河翻

次韻夢得見示之什

居楚求齊音美惡不同土誼厖俗物華鮮復有佳處時  
後玉壁人商略窮萬古詩如粟牛戲誤得摩頂許望道  
渺逾遠浮生真暫寓忍持尺璧陰空作秋蟲語微言倘

傾倒河漢濯肺腑向來說詩口自此行可杜

送甌寧魏生赴武舉

生後與金人戰  
有功戰没于卽

建安少年請纓客橫槊賦詩兩無敵辭家去作入彀英  
氣拂天狼夜無迹廟堂尺箠鞭羌雛智名勇功付壯夫  
引弓没羽世自有敢聞上策當何如

陳仲仁止止堂

以我有限景逐彼無涯知失足踐畏途投身試危機舟  
車日奔覆定無丘與夷萬古踐此轍嗟我與誰歸仲仁

古靜者懷璧照褐衣名途嘗一戲回首羞前非心如得  
坎水不受狂風吹功名憂不免當復定何之請觀本無  
作今復止者誰築堂市門側著書園不窺蓬蘹深一丈  
圖書周四圍時有好事人載酒問所疑攫金奮斂手倚  
市誇妍姿回光時自照何者非吾師

送志宏西上

九州眼一槩餘子真瑣瑣嶽立培塿中喜此高岷岷如  
公吾輩人取友一到我揮毫賦垂天風雨卷蓬顆相期

八表遊未覺夙心左解龜醉江閣酒面山月墮起瞻帝  
鄉雲感歎不成坐何須飛霞佩自辨凌風舸瀛洲渺溟  
渤萬里一掀簸緘詩寄天涯秉燭對新火那知市門仙  
斗祿事么麼空餘腸九迴上流何日果

有懷舍弟逢年時歸婺源以詩督之

水落天未霜君歸定何時相思如鷺鷥中夜未安枝夢  
中見阿連鏘然詠新詩寤驚衰葉翻道是步履移攬衣  
下中庭風露浩秋灑遙知客衣薄歸來一何遲平生短

繁燈相對忽解頤萬古一舒卷佳處良在茲是中及物  
心上與稷契期援古以自例自矢無乃癡夜又叱九闕  
側足不敢窺坐令一寸心日抱二柄疑遲君商量此免  
得兒輩嗤况乃綠髮親倚門鬢欲絲豨膏非鳳喙車轄  
無可脂再拜壽杯分斑衣舞參差秋芳未云歇采采黃  
金蕤萬鍾不足樂古人豈我欺

九月十七日夜度蔡道嶺宿彌勒院

月出度松嶺露香非羽衣肅肅夜氣清蒼蒼烟徑微川

光浴秋容蘿影挂夕輝永輪碾空澗飛轍無因依擬掬  
星渚波恐觸天孫機倅冷何時見沆瀣聊獨揮未應青  
霞志即與素願違稍依塵外踪想此巖下扉清吟寫萬  
籟妙想絕百非不須河漢言盡解紛華圍飛仙亦戲劇  
玄學乃庶幾鰲山切丹極歲晚行將歸

游鄭圃

城郭不去眼而得林壑娛低徊撫壯心欲吐無與俱鏗  
然一枝筇細磴半樵漁挽衣竟與飲不省誰為吾

女貧苦難妍

女貧苦難妍士貧苦難高了知論此者不識一世豪此  
身百斛鼎流俗欲手操寧當捨其中局促計所遭頗疑  
有若人骯髒栖蓬蒿考槃一丘壑光景不可韜斯人不  
我忘空復踰垣逃軒裳亦云華唾去如腥臊哀哉夷此  
子擾擾冠猿猴活無齊世心閔默死滔滔竭來事斗祿  
俛仰身枯槁一官戲人間幾何非餐饕誰言眷此情擲  
去輕秋毫區區欲驕士一哭嗟兒曹

溪南梅花

嶢嶢石徑鳴枯筇意行詰曲無西東  
心知幽壑梅已動一枝寄我曾未蒙  
清香橫路忽驚顧冰蕊的皜蠻烟中  
有如佳人久去眼邂逅相得情何窮  
蔬畦壓霜翠羽亂已覺雪片栖丰茸  
嗟我過此來已晚攀條嚼蕊聊從容  
玉仙遊戲下塵世絕艷一洗汞鉛空  
不知閨苑在何許叱回風馭無匆匆  
溪寒沙淨迷俛仰坐待山月來朦朧  
豈無尊酒相暖熱錦裘起舞如鷺鴻  
仇池老仙羽化入



妙曲三疊餘仙風歸時醉倒不知一作卧明日來此誰能同

再和求首座

道人昔曳匡廬筇五老負雪溢江東犯寒貪覓玉梅句  
雖有衲被何曾蒙歸來苦雨熟梅子卷裊深卧蠻烟中  
詩傳絕境忽入手置我鄉國情何窮十年不踏江上路  
漠漠海氣昏貂茸異鄉歲晚慙流落一笑賴此冰雪容  
嶠南絕唱誰敢和騎鯨人去塵寰空崑墟下視堪笑閔

雕琢肝腎愁匆匆那知幽子雲雨上風斤玉斧修腫臃  
讀詩令我一回首杳若目送孤飛鴻何時晤語折鐺側  
坐聽萬籟號天風拈花特地兩顏解他時與子真參同

奉酬令德寄示長句

閉官屋舍如幽栖寒苦餘業償鹽虀忽聞鵲聲作破竹  
尺書入手誰所齎交游勝絕似公少矯矯鸞鳳依蒿藜  
青冥側足在咫尺誰使狡獪捐其梯秋風溪上共尊酒  
擺落羈束忘吟哇紅裳起舞意未足缺月銜嶺星河低

只今跌宕走塵土清夢往復無山蹊新詩驚怪爛盈幅  
筆力拗怒蝓虹蜨遙知盤礴小窗底得喪已著一理齊  
此生同困造物戲未覺與世誰雲泥雖無絕唱連白雪  
賴有妙契如靈犀一笑從公豈無日挽袖相屬空玻璃  
不須俗物敗真賞但覓佳處同攀躋

答康民見和梅花詩

寒崦人家碧谿尾一樹江梅卧清泚仙姿不受白眼汙  
風斂天香瘴烟裏向來休沐偶無事惟我亦游二三子

彎碣曲徑一攜手凍雀驚飛莫能委班荆勸客少延佇  
酌酒賦詩相料理多情入骨憐閨殊休倚橫斜嚼冰蕊  
至今清夢挂殘月強作短歌傳素齒韻高尚恨白難稱  
賴有君詩清且美天涯歲晚感鄉物歸歟何時路千里  
枕樓一笛雪漫空回首江亭淚如洗

上丁餘膳置酒招綽中德榮逢年

我生無幾求畢願老葭莢誰今事斗祿飯糲羹不糝書  
生亦可憐微物有先感朝來食指動膳肉豐咀啖恭惟

魯司寇道大長壘坎空餘祠千載不救陳蔡慘永言百  
世師願學吾豈敢當飢不忘歌既飽復何憾安能如王  
孫長物貯頤頷急呼講肆人一醉捨鉛槧相攜桃李徑  
歷亂蹴紅氍言強三尺喙氣溢一身膽平生超然處獨  
嗜逾昌歎詩成持徵君莫遺兒輩覽

用綽中韻送正臣正臣欲歸隱而無資故廣其意  
以告識者

華裾錦領烏紗憤氣蓋當年五陵俠胸中硯礪不可平

拂衣歸來抱長缺，軒然寄傲楸枰間。  
長恨坐隱非雲山，相逢笑我眷微粟。  
我歸未可君何難，世人錢作牛吼音。  
誰能立談壽千金，空令擁鼻誦招隱。  
知君心在仙峯陰，故山自歎無歸期。  
作詩但擬淵明詞，却愁他日林下信。  
千里寄我惟當歸。

秋懷六首

庭柯一葉飛，風挾涼氣歸。  
湛湛陂水清，芙蓉脫紅衣。  
非無岑寂士，白法鈔元暉。  
獨懷履霜戒，德人貴知微。

真儒六經學文字聊解紛長孺棄諸侯漢庭相公孫兒  
口乳未乾妄作黑白分誰能領斯會事往風中雲

導江自岷山源淺觴可濫下集大小川千丈水府暗策  
策井桐寒炯炯窗月淡後生抱竒志黃墨勤點勘

市朝富危機匹馬死馮河何如狎鷗子烟雨同一波行  
藏各有趣不在相詆訶我師陋巷人千古冠四科

穿堵超玉繩倒影夜窗寂火雲一洗空月露清欲滴幽  
人負疴卧起坐三歎息歸同對牀弟晤語永佳夕

掩窗耿不寐道人亦無寐故山新稻香闕  
枯桐夢

中信了了推枕聞西風少遲稗金壯歸善與子同

逢年與德榮同之溫陵謁大智禪師醫作四小詩

送之

大室掩槐夏與君同卧疴平生莫逆人裹飯誰見過  
躡躡起鑑井萬古寂不波觀心要知是造物如吾何

六年別故山松竹故無恙此身已天涯飄走復何向清  
源老醫師砭樓出投狀勿辭一往勤挹彼上池漲



石梁跨壕山永與方壺久憑君持一盃往酬濟川手選  
知相攜處溟渤浸箕斗作詩問大釣猶有斯人否  
山河我四大物我同一體誰為苦疾痒搔按不容擬多  
生抱此念耿耿未云已那知知魚樂更有濠梁子

與陳彥時會華嚴道人偶書

屋頭烟雲屯屋下波濤誼團圞坐已久起扣丹霞門客  
至苦舌強目擊翻無言元龍湖海士懷哉夙契敦清坐  
鼎足峙妙語流潺湲君游華嚴海貝葉手自翻此心於

身世鳥度空無痕笑吾流浪中久被業識吞讀書談古  
今綺語生禍根望道渺未見况乃躡其藩職卑困掣肘  
見溺不得援未知造物心頗復哀黎元近窺賢稷意未  
敢遽掩闕躬耕亦細事會要五畝園釋羈牛在牧駕鼓  
馬伏轅居然見優劣不比魚熊膺持問跣趺人一笑霜  
眉掀相攜妙峰頂暝色窺遠村解衣略輩行班坐寥芳  
蓀欲歸意未已幽徑相與捫蒼崖出玉體不受瘴毒溫  
願言同酌此我語庶不謾

書栢欄院壁

側身西來度千山列仙仙去空孱顏斗升自殺應笑我  
何苦詰曲戲塵寰歸畊無田仕難合疑此二柄首尾間  
摩挲唯石三歎息我心安得如汝頑

次志宏韻督成壽置酒

歸耕食吾言回首媿江水方爭揚子席誰置穆生醴鄧  
模頌蓋舊小寢執桃李走書約啗我涎逆齧唇齒朝來  
獨何事怒色劇染指雖微射鴻游顧有揆手鬼平生談

天口得酒便鋒起年來病不觴但要謳貼耳真成畫蛇  
足足就酒空矣樊川吐怨句想見紫雲美何時咄嗟辦  
一醉吾亦擬樽杳聽羣兒口實爭笑鄙

附集外詩

寄題分繡閣

新閣何隆隆經營自茲歲其前山送青其下竹交翠景  
物日夕佳登臨春秋異治中公事暇領客共留憩四座  
歡相酌壽主珍重意向來蓬瀛上視此毋乃媿主稱客

意好是事幸且置柱頰飽看山朝來殊爽致

送制置使王剛中帥蜀

上都門外垂楊陌葉葉經霜不堪折春光猶未到梅花  
何物當扳送行客路人驚問去者誰高牙大纛爭光輝  
君王應念蜀父老故輟侍臣來紫微明光起草文章手  
却聽元戎報刁斗回首翔鸞一夢中玉簫緩送成都酒  
邛邛九折何足驅慷慨功名真丈夫成都花錦君莫戀  
早晚歸凱持釣樞

車駕幸玉津園晚歸進詩

五更猶自雨如麻無限都人仰翠華  
翻手作雲方悵望舉頭見日共驚嗟  
天公的有施生妙帝力堪同造物誇  
上苑春光無盡藏何須羯鼓更催花

王龜齡王嘉叟木蘊之同過小園用郡圃植花韻  
節到中和暖尚賒東風隨處起芳華  
自慙翳翳松三逕相對蕭蕭馬五花  
老去醉鄉為日月年來痼疾在烟霞  
午橋別墅歸公手早定淮西取白麻

送楊簡遷國子博士

楊君解墨綬去作國子師邑人十萬戶遮道嬰兒啼曩  
歲天旱苦赤地無餘遺饑殍千百輩上山爭採薇採薇  
有時盡詎能救長饑慨然顧自任舍我將告誰味爽出  
廳事日暮忘旋歸大家貯陳粟出糶不敢遲偷兒紛狗  
鼠鋤治如平時一意摩手撫如子得毋慈明年甍麥登  
比屋無流移史牒載循吏于今親見之我亦受一廛惜  
哉輕語離橋山未迄役酌餞踈酒危聊述路人頌持作

送君詩

朝天菊

但見荼蘼能上架那知甘菊解朝天  
亭亭秀出風烟上冷落東籬却可憐

與葉晦叔同考校諸生鎖宿貢院作

沈沈廣廈清如水市聲人聲不到耳  
一間十日豈天賜慙媿紛紛白袍子  
相逢更得金玉人久矣眼中無此士  
連牀夜語不成寐往往鷄聲忽驚起  
是中差樂真難名



昔者相過安得此但憐時節不相謀正墮清明寒食裏  
梨花已空海棠謝外間物色知餘幾只恐風雨摧折之  
負此一春吾過矣謝公尋山飽閒暇應笑腐儒黏故紙  
錦囊得句應已多萬一相思頻寄似

上清宮

振策衝暮雲攜琴宿仙境松風生夜涼蘿月散秋影洞  
遠落猿聲溪清鳴鶴頂中宵夢仙翁乘車停翠嶺獅子  
身五色鸞鳳互相引上有朱幡幢金碧不可省風吹雲

璆徧顧我忽而哂遺以丹篆文再拜豁心領明當謝浮  
榮飄然從結軫

和朱子淵石柏詩

海底靈根石效奇山經地志不曾知凝紅幻出珠千顆  
染紫裝成玉一枝鶴骨龍姿隨質見鸞棲鳳宿與香宜  
元戎高唱真難和愧我年來筆力衰

宣瑣

禁門深鎖寂無譁濃墨淋漓兩相麻唱徹五更天未曉

一池月浸紫薇花

兩宋名賢小集卷一百五十七

欽定四庫全書

兩宋名賢小集卷一百五十八

宋 陳思 編

元 陳世隆 補

椒亭小集

李光字泰發上虞人崇寧五年進士累官司勳負外郎  
欽宗擢右司諫高宗朝進吏部尚書除參知政事因  
爭和議安置瓊州移昌化軍卒追復資政殿學士諡

莊簡

越州雙鴈道中

雙鴈鄉隸  
餘姚縣

晚潮落盡水涓涓  
柳老秋齊過禁烟  
十里人家雞犬靜

竹扉斜掩護蠶眠

戲贈伴送使臣

公在政府與秦檜議論不合為中  
司所擊送藤州安置差密院使臣

送之

日日孤村對落暉  
蠻煙深處忍分離  
追攀重見蔡明遠  
贖罪難逢郭子儀  
南渡每憂鳶共墮  
北轅應許鴈相隨

馬蹄慣踏關山路他日看來又送誰

昭真宮

在貴溪縣

造物閟靈境靈山隱仙躅丹成自飛昇何用駕鸞鵠舉  
手金沙嶺片石聊寄足至今鎖煙扉氣象鍾清淑井池  
丹藥就千載湛寒綠我來春雨餘溢水漲幽谷琤琤落  
環珮細細響琴筑黃冠六七輩一一道機熟余師本緇  
流游走遍四瀆初明大乘禪鋒辨誰敢觸升堂猛虎跪  
諸方狐鼠伏晚乃思長生師許隸寶籙時登玉虛殿叨

迎御輿服俯仰能幾時  
世事有反覆蕭然坐空巖  
復理舊松竹却談京洛夢  
感慨氣填腹人生夢幻耳  
何必苦拘束期師謝冠裳  
復見真面目

國慶寺

在上虞東山

永夜金莖下九天  
郊坰風物正凄然  
百年寶地空蕭瑟  
十里青山一作天  
自接連局上笑談棋  
易勝坐中竒險句  
難聯定回老衲應相問  
淨社何時到白蓮

袁氏義門



夫何于會稽卓然有裴氏同居六百年相聚三千指昔  
賢欽義方列奏聞天子恩詔保門閭光華映閭里

百官渡

在上虞百官市口

曉雨微茫水接天隔江茅店有炊烟杖藜獨步沙頭路記  
得當時趕渡船

客星山

在餘姚縣

子陵古真隱逸氣橫九州平生江海志自比巢與由鴻  
飛本冥冥肯為稻梁謀虛屈萬乘顧枉煩物色求貽書

謂君房預作要領憂舜江子邑里子去踰千秋高山無  
古今大江日東流人物浪淘盡英名至今留當年漁釣  
地陳迹餘荒丘

巖公堂

餘姚令徐  
瑞禮建

徐侯有佳政百里安田疇作堂名巖公懷賢慕前修時  
來對江山一尊更獻酬我豈隱淪歟三黜今白頭年來  
賸得閒忘機狎羣鷗結茅半湖傍一竿幸可投翁笠青  
蓑衣生涯寄扁舟巖子定不死吾將從之遊

懷三峯樓

一川花柳擁雕欄  
濃綠浮空四面山  
便欲移家來住此  
不將名姓落人間

智林寺

在常熟縣  
李墓村

扁舟來訪小叢林  
花木通幽院落深  
旋拂胡牀成午夢  
閒持貝葉動秋吟  
竹聲瑟瑟生虛籟  
山意峩峩入素琴  
更喜老網能會事  
手攜爐鉞自相尋



兩宋名賢小集卷一百五十八

欽定四庫全書

集部

兩宋名賢小集卷一百

五九至  
六三

詳校官中書臣 閔思毅

助教臣 常循覆勛

總校官編修臣

王燕緒

校對官編修臣

孫希旦

謄錄監生臣

劉亮采

欽定四庫全書

兩宋名賢小集卷一百五十九

宋 陳思 編

元 陳世隆 補

說齋小集

唐仲友字與政金華人登紹興進士復中宏詞科累  
官知台州府政聲熒然為同官高文虎所忌譖於提  
舉刑獄劾罷主管武夷冲道觀所著有六經解九經

發題經史難答考經解愚諸史精義帝王經世圖譜  
乾道秘府羣書新錄天文地理詳辦故事備要詞料  
雜錄宣公奏議解說齋文集

續八詠

雙溪占勝地

占勝地勝地難摹寫二水護城闈千山帶林野山林鬱  
蒼蒼千里遙相望括蒼轉曉色九峯含夕陽危欄壓雉  
堞嘉名寄文章陰晴閱變態晝夜無故常郊平漲潦渺

滄溟渚迴澄波縈素練霽後選岑歷歷分霧中壘嶂濛  
濛見增遠目兮雙明含清輝兮四面奉分星之胎蠻切  
宸居之眩轉邦人來此意以恭客子臨之遊欲倦神莫  
覩敬先通言有盡興無窮烟籠野以浮碧浪射霞而湧  
紅連赤松之佳氣過三洞之剛風仰層閣而跂翼俯浮  
梁而卧虹數征帆而引興瞻倦翼而省躬聽絃歌之盈  
耳震鼓角之凌空洪鐘發天半清磬入雲中英靈降被  
異膏腴生物豐清絕茲樓景佳哉冠江東



八詠揆英詞

揆英詞英詞有微意懷章戀雙闕吟情深六義秋月清  
可依春風惠無私艸桐感霜露鴻鶴傷羽儀解玉佩去  
朝會駕朱幡張皂蓋張蓋非不榮解佩難為情青綯矯  
濁侈錦帳懷休明邦衣未容褫況值佳山水時來一登  
臨清曠豁千里既為茲土愁亦云茲土美揖林壑俯清  
淪攜錦繡歌陽春天球鳴兮朱絃奏朱絃奏兮玉律新  
靈均淵源建安風度參衆體于柏梁接遺聲于楚賦值

重光嘆盈闕曳長裾懷散聚想西園兮不復遊典南尉  
兮未能去薄淮陽之見疎幸浮丘而來顧非流落以為  
患諒熱中而怨慕景入詠以增輝詩因樓而得趣嗟暗  
投于拙目指微瑕于寶璐高文一何寥絕境亦難遇子  
期久云亡虬蟬祗撼樹

千年增舊觀

增舊觀舊觀已云美棟宇朱翬飛賢侯為興起昔時兮  
清賞昔日兮清文揮絃兮歸鴈隱几兮浮雲八篇合綺

麗萬古垂芳芬鶴歸城郭幸未改人去典刑猶得聞風  
流兮代變城隅兮勢逼故迹兮溪山靈祠兮門闕湊香  
火于庶繁局宇宙於褊側惜經度於無地厭往來於如  
織重舊貫於改作付流年于未極負吟詠之高名起登  
眺之太息侯至懷古賢民樂值豐年謀始規摹壯競辰  
旌旆遷落成駭不日面勢快瞻前昔人應有待神交臭  
蘭蒞淚碑忽已新革帶儼如在當時屈望卽此意屬真  
宰樓高兮山遠野曠兮水長冥冥兮鴻翼渺渺兮鷗行

客至有永日詩成無短章見聞靡不逮名實非自彰隆  
昌七百載作者永相望

萬象出新奇

出新奇新奇震英越經營得要領呈露入軒闥迢迢  
崑崙山虬龍南北環中含七色環下注溪流灣昔樓已據  
勝今樓與名稱東西倍軒豁高下增比興極目送朝宗  
目窮波未窮萬里出寸碧千里來雄風地迴月偏蚤草  
絲心易忡臆影射朝白簷牙留晚紅村村辨回互樹樹

分玲瓏長烟低抹岸遠水靜涵空雲間無迅翼天末識  
歸蓬輪奐覩新作邦人胡不樂憧憧絕紛擾寂寂宜淡  
泊溪響答棋聲雲影入杯酌守登心自知客至意亦宜  
哦詩句易得撫盤坐忘疲垂名千古地一朝風景異楹  
楠壓閭閻丘壑輸胸次清遊未渠央吾民那可忘詞章  
賁高閣前後兩甘棠

遲日春徧麗

春徧麗徧麗兩溪涓三農喜趨事萬物忻逢時伊吾土

之洵樂勤剛畝之東作彌隴麥之曠望徧水田之疏淪  
抽新綠之桑麻換柔青之林薄缺 初遷鶯郊原膏澤晴園

花張錦爛堤柳弄絲輕落梅吹香盡芳草連天生遊人  
自適意客子偏傷情韶華忽云暮簷楹亂飛絮南浦淶  
波瀾秀野深烟霧魚肥急釣舟沙暖多翹鶯紅殘少踏  
青日落喧競渡翩翩來去燕芳洲銜泥便弱羽度高城  
斜拂微和扇物態皆光輝憑高自忘歸輕雷送夜雨江  
色含朝暉俗厚異觀洎服成思浴沂所幸癘不作但願

年無饑寬書已屢下宣布闕深機

薰風夏更宜

夏更宜更宜倚欄客扇化養之清微布豐美之潤澤空  
翠帷之桑柘漲黃雲之麩麥掃園囿之落紅溢畹澮之  
疏白亘東西之入望固高下之無擇響繅車于林野度  
牧笛於阡陌銷永晝於樽壘散輕暑於締綵嘉賓可以  
娛塵襟可以釋俯檻草芊芊懷人情脉脉黃梅熟兮大  
靈洪濤漲兮古渡前渚長兮長已沒浮梁斷兮斷無路

駐征客之行舟失遠村之芳樹望青林之濟溺慮黃帕  
之為蠹浪洶湧而未息雲冥漠而猶固幸學海不為遠  
忽安流已如故赤日照竒峯絕壑石神龍奔雷過車響  
急雨跳珠容為霖利已溥潑墨收無踪微涼入殿閣朝  
爽開心胸高明可居君莫厭變化莫測吟可供

秋空月皎皎

月皎皎皎皎飛明鏡滌風露以孤高照溪山而清靜協  
二氣之金精肅萬物之西成卷雲衢之點綴廓天路之



澄清掃埃壒於玉宇流沆瀣於金莖汎林光於遠野轉  
簷影於高城蕩金虬兮深浪湧浸玉兔兮長灘平射淵  
潛兮魚龍動冷巢棲兮烏鵲驚在水壺兮心腑快吸瓊  
華兮毛骨輕念遠人兮懷塞北依末光兮思承明顥氣分  
深淺素魄有虧盈橋成牛女度日沉河漢傾光輝懸半月  
憂樂殊羣情肅霜漸寒色遠鴈向南征此景皆竒絕茲  
地獨崢嶸當午夜之寥闐帶遠烟之蒙密認遙山於微  
微分近樹於厯厯急搗衣之寒砧引泊舟之橫笛伊心

賞之難并對茲焉真無敵佳人兮懷哉參已橫兮歸去  
來

冬野雪垂垂

雪垂垂迴野望中竒冥迷一色混琢鏤萬般宜嚴風初  
作意愛日為收曦千山淡若慘萬壑凍無姿同雲忽  
合飛絮漸分披漫天歷亂落灑檻橫斜吹粉浸兩溪浪  
瓊削千林枝素虬橋枕渚冰柱瓦漸漸田種皆雍伯絃  
絕非子期沙頭鴈影滅城角鳥聲悲烟孤辨村墅天沉

迷酒旗愛登樓之縱目忘起粟之侵肌忽愁容以暫開  
漏朝暉之照矚射積素之峰嶺認微波之溪谷燦垂簷  
之明珠爛開府之羣玉凜暮寒而復凝灑夜聲而相續  
覩開闔以多端玩朝昏而未足孤松氣猶剛百穀土增  
沃積陰那可久見覲深所欲白雪與陽春願賡郢中曲

兩宋名賢小集卷一百五十九

欽定四庫全書

兩宋名賢小集卷一百六十

宋 陳思 編

元 陳世隆 補

南澗小集

韓元吉字无咎開封人維之子仕至吏部尚書龍圖閣學士封潁川公嘗師尹焞與朱熹友善又得呂祖謙為壻師傅淵源儒林推重徙居上饒居前有澗水

號南澗涉澗而南有園築亭竹間號蒼筤與兄元隆  
俱登甲科所著有愚齋錄周易繫辭卒葬城東子孫  
遂為上饒人子曰琬字仲止號澗泉尤有高節詩與  
趙昌父並稱於信土

雨中聞伯恭至湖上

莫嫌鞭馬踏春泥茶鼎詩囊偶共攜山色雨深看更好  
湖光烟接望還迷連天花絮飛將盡夾道蒲荷長欲齊  
官事得閒須洗眼蓬壺只在帝城西

記建安大水

孤城雨脚暮雲平不覺魚龍自滿庭託命已甘同木偶  
置身端亦似羸瓶浮家却羨鷓鴣子弄月常憂太白星  
當日乘槎便仙去故人應在曲江靈

紅梅

不隨羣艷競年芳獨自施朱對雪霜越女漫誇天下白  
壽陽還作醉時粧半依修竹餘真態錯認天桃有暗香  
月底瑤臺清夢到霓裳新換舞衣長

送陸務觀得倅鎮江還越

高文不試紫雲樓，猶得聲名動九州。  
金馬漸登難避世，蓬萊已近却回舟。  
燒城赤舌知何事，許國丹心惜未酬。  
歸卧鏡湖聊洗眼，雨餘層壑正奔流。

送陸務觀福建提倉

舫船相對百分空，京口追隨一夢中。  
落紙雲烟君似舊，盈巾霜雪我成翁。  
春來茗葉還爭白，臘近梅花盡放紅。  
鎮畧溪山須妙語，小迂旌節上凌風。

隆興甲申歲閏月游焦山

荒村日晴雪猶積繫纜焦山下石江翻斷崖石破碎  
瘞鶴千年有遺蹟瘦藤百級躋上方浮玉南北江中央  
檣竿如林出煙浦酒船遠與帆低昂老鷓盪風舞江面  
殺氣淮南望中見神龍只合水底眠為洗乾坤起雷電  
觀音巖前竹十尋大士不死知此心醉歸更喚殷七七  
剎便好花開鶴林

遊靈山



嶽鎮古所錄茲山諒真遺憶從西江來恍忽忻見之初  
疑春雨晴雲物出怪竒稍稍對巖壁森森面嶽竒紛紜  
如列障散漫如連帷磅礴千里間衆景皆奔馳頗訝地  
軸涌未覺天柱虧不知崑崙高遂使秦華移諸峯七十  
二磊砢畧可推駢觀擁佛髻遠睇凝婦眉大或覆鐘鼎  
細亦銛刀錐石匱一何高梯天此為墀崩騰鐵馬羣中  
有大將旗身居萬石貴氣壓衆卵危雄傑既莫狀清深  
亦餘姿蛟螭護絕磴草木忘四時定知水晶宮閻藏神

所司飛泉瀉餘怒勢作千丈垂葛仙煉丹成空聞龍化  
波遺休被山川勝槩無乃私其東沐金鷲其西曝玄龜  
洞雲倚長空巖月隱半規龍電衛方壇至今傳道師延  
連葬玉地茸秀尤相宜分明別長幼次第論崇卑袂將  
九華接肩與廬阜隨孰云東南傾擎持端在斯會當歷  
其巔不但一管窺雖微始皇頌儻有神禹碑

南巖

一名盧家巖  
在信州西南

官曹簿領無時空一春感感塵埃中溪南十里巖谷好

俗駕屢整無由窮前時相邀雨斷道今時不雨天亦風  
乃知書生不解事每以慳澀勤天公興來邂逅始一往  
相與縱轡隨飛鴻野索着子梅杏老密葉尚帶殘花紅  
崢嶸屋宇吁可怪無乃開闢煩豐隆却尋危徑山巉絕  
俯仰曠野迷西東涓涓寒溜滴水雪一酌為我涼一胸  
山川何曾歲月計可憐翠阜紛磨礪人生歡笑不易得  
此會幾許誰能同春禽正喧日已暮歎我歸期還匆匆

雲洞

揮策度窮谷，撐空見樓臺。丹崖幾千仞，中有佛寺開。  
老僧如遠公，出門走蒿萊。下馬問所適，褰衣指崔嵬。  
飛欄倚石磴，曠蕩無纖埃。坐久意頗愜，爽氣生樽罍。  
仙棺是何人，白骨藏莓苔。舉酒一酌之，慨然興我懷。  
丹砂固未就，白鶴何時來。不若生時樂，長嘯銜此盃。

題武夷九曲權歌

宛宛溪流疊九灣，山猿時下鳥間關。  
釣磯茶竈山中樂，大隱屏邊日月閒。

兩宋名賢小集卷一百六十

欽定四庫全書

兩宋名賢小集卷一百六十一

宋 陳思 編

元 陳世隆 補

梅谿詩集一

王十朋字龜齡樂清人紹興二十七年進士第一孝  
宗朝累遷起居舍人侍御史改吏部侍郎歷四郡守  
以龍圖閣學士致仕卒諡忠文有梅谿集

剛畝十首

剛畝有遺士妄懷葵藿心朝夕傾太陽不耐氛穢侵肝  
膽有古劍願言決羣陰茲志尚鬱鬱抱膝成悲吟

古道日云邈古意誰復知陽春漠無和流水空含悲郢  
曲變新調鄭聲入朱絲喟然三歎餘默與羲皇期

讀書不知道言語徒自工求道匪云遠近在義命中吾  
儒有仲尼道德無比崇傳參十八章入道知其宗後學  
昧極致徒知授兒童孰識孝與弟理與神明通為臣不

知此事上焉能忠

仲尼作春秋垂訓千萬年古者父母讐義不共戴天莊  
同父何在乃與齊侯田魯國無臣子君親義茫然齊紀  
不並立諸兒得稱賢善惡不可掩筆削至今傳

飛飛古帝魂哀哀寄春怨異卿節物新故國人事變訴  
七誰肯憐啼苦血空濺雲安再拜人傷哉不復見

彼微雙鶴鴿飛飛同一原急難喻兄弟義著周雅篇周  
公代武王大義今古傳人孰無兄弟急難斯見焉願悚



周公心無愧詩人言

竹有君子節青青貫四時桃李媚春光千株弄妖娑世  
眼悅繁豔疇能賞幽奇君看桃李蹊蹄轂紛爭馳君看  
竹林下形影誰相隨七賢久淪沒高躅猶可追吾家植  
千竿風月足自怡豈不競時好聊為歲寒期

兀兀窻下士筆耕志良苦黃卷對聖賢慷慨深自許一  
朝出干祿得失戰胸宇曲意阿有司諛言徇人主貪榮  
無百年貽謗有千古丈夫宜自貴清議重刀斧

我豈不欲仕時命不我與曷不枉尺求權門正旁午非  
道吾弗由茲心已先許願言安貧賤順命為出處  
儒冠誤身世偃蹇二十年豈不懷明主富貴乃在天平  
生學忠孝自致無由前青燈照夜長感激徒自憐

### 觀國朝故事

昔在景德初契丹犯中原朝廷用萊公決策幸澶淵高  
瓊雖武夫能發忠義言詠詩退敵騎用醜樞相顏鑾與  
至北城斷橋示不還一箭斃捷覽夜半却戈鋌至仁不

忍殺和好垂百年偉哉澶淵功天子能用賢

昔在康定初元吳叛西陲朝廷起韓范節制閩外師二  
公人中龍材畧超等夷胸中百萬兵對面千里機不比  
大老子而令敵能欺深期復靈夏重勒燕然碑軍中果  
興謠西賊心膽隳逆節遂稱臣戰士解甲歸社稷安泰  
山四海絕瘡痍堂堂寧復有為作思賢詩

昔在元祐初朝廷用老臣元惡首竄殛賢雋皆彙征簾  
幃八年政內外咸清明四夷各自守天下幾太平紹聖

黨論起宵人，壞典型。二蔡唱繼述，曲學尊金陵。忠良投  
海島，黨籍編姓名。春秋亦獲罪，學者專三經。心術遂大  
壞，風俗從此傾。養成前日禍，中原盛甲兵。我欲著一書，  
善惡深勸懲。姦諛誅朽骨，潛德發幽馨。六賊未足罪，禍  
端首熙寧。

次韻謙仲見寄

湖山監黛青，湖水琉璃碧。我時湖邊游，山水正秋色。詩  
翁偶乘興，來作湖邊客。談鋒兩地交，意氣已相得。詩壇

予與盟文會公為伯豪詞肆滂沛淡語入幽寂心匠巧  
雕斲物象窮搜覓壯哉五言城卓爾萬仞壁初疑公腸  
胃百怪所窟宅吐氣干雲霄直欲鬪霹靂妙奪解牛術  
奏刀聲若割我才寸莛微洪鍾詎能擊又如鳴蟋蟀啾  
然和金石未窺學籥籬敢語詩奧曠繆為馬慕韓浪作  
赤效白獎掖非所蒙猖狂固宜責新篇又拜嘉開緘光  
焰射藏之比明珠長使夜照席惜哉不遇時豈為臧倉  
隔儒冠五十年世路疲行役操矛赴文場戰藝輒敗北

書劍兩無成泥塗困蹤跡龍鍾似東野窮愁攪懷臆空  
吟三百篇高視古無敵霜風剪林木黃葉滿澤國我思  
公不見羸馬未能策恨無神仙術安得生兩翼因召管  
城穎免冠加拂拭書帛寄征鴻心目兩俱極

答毛唐卿虞卿借昌黎集

予以不知學古難學古直欲學到韓奈何韓實不易學  
但覺晝夜心力殫茫然故步亦已失有類壽陵學邯鄲  
雖然予心未肯已尚欲勉強求其端跬步不休效駑馬

千里未至空長歎羨君兄弟俱早慧家學豈止傳柔溫  
聖經賢傳既已久百家諸子皆盡殘學文須要學韓子  
此外衆說徒曼曼韓子皇皇慕仁義力排佛老回狂瀾  
三百年來道益貴泰山北斗世仰觀我生於今望之遠  
時時開卷相欣懽豈惟廬陵惜舊本我亦惜此祇自看  
子今欲假敢應命願子寶之同琅玕

辛亥九日侍家君同孫子淵子昭子高登高於家  
之東山時菊花未開坐客皆以為恨至十月望獨

步東籬下見前日青枝已爛漫矣東坡云涼天佳  
月即中秋菊花開日乃重陽不以日月斷也於是  
命酒肴呼隣里飲于叢畔云

前日重陽日與客同登翫有酒無菊花把盃一長歎良  
辰苦易失十月今又半緬焉想前游獨到東籬畔鮮鮮  
霜中菊滿地金錢槩我思東坡言隣里乃相喚斬新作  
重九不以日月斷人生貴適意世俗豈能絆遇酒羣歡  
樂取醉期爛漫義和馭白日疾劇走丸彈百年能幾何



不飲乃癡漢

湖邊懷劉謙仲

湖山如畫水如藍  
杖履湖邊酒半酣  
往事蕭條誰共說  
舊游零落我何堪  
炎涼世態從他變  
生死交情祇自諳  
詩客有魂招不得  
秋風依舊滿江南

寄孫永之

名龜年  
沂州人

詠歌沂水舞雩風  
氣壓當時冠與童  
人似賈生年更少  
家傳孫綽賦尤工  
孤羸傲兀深菰稟  
一鷄軒昂衆鳥中

早取功名寄衣鉢古來相種出山東

寄毛虞卿

名公弼後改名宏  
字叔度登乙丑第

文會今年喜重尋葭姿玉質又同林弟兄並秀如君少  
朋友相知獨我深一別幾勞終夜夢相逢更話百年心

長卿賦有凌雲志却笑區區蚓竅吟

虞卿工賦嘗笑子  
作詩而不事舉業

次韻虞卿送別

喜君直諒更多聞共惜光陰寸與分螢照夜窗纔煖席  
蟬吟秋樹又離羣尊前忍聽陽關曲江上愁看日暮雲

別後誰能慰牢落錦囊長帶故人文

次韻督監務早梅

羣芳避路放梅開奔走游人滿砌苔  
半樹溪邊衝雪破一枝頭上帶春回  
月移瘦影供吟興風薦幽香襲酒盃  
剛被西湖都道盡至今詩客句難裁

次韻題曹大夫懷忠閣

小閣誰懷畎畝情遙瞻天日眼增明  
平生憂國丹心在一飯思君血淚橫  
豐沛功臣真有種并汾壯士素蜚聲

區區問舍求田者應被元龍一笑輕

和方叔見贈二絕

相對清談味有餘始知勝讀十年書  
塵襟不用頻揮塵自有清風為掃除

一舍蕭然學有餘窗間遮眼盡文書  
已將事業盟燈火萬事何煩酒破除

次韻李刑曹病起書懷

中原回首尚塵飛書劍南來早識機  
方事高眠學安石

却愁多病似王微腸枯漫有書千卷腰瘦難勝帶十圍  
志士未逢聊爾耳古人何用泣牛衣

寄僧覺無象

我昔居鹿巖時來潛澗游西坡訪覺老終日為遲留高  
談窮古今滿坐風生秋令我名利心一聽渾欲休論詩  
出古律有唱無不酬篇章溢縑素錦繡爛然浮此老豈  
易得當於前輩求吾生恨太晚見師已白頭儒釋道不  
同相從苦無由三年游金溪兀坐顏常愀出門無游從

獨賦臨清流金溪誠無僧孰是西坡儂深房鎖花木妙  
供羅珍羞益作潛澗思剛腸如轉軛夢不自禁夜夜  
飛山陬前日遇諸塗一笑忘百憂相視未及語歸袖風  
颭颭別來能幾時不覺歲月適聞師結蓮社且莫事真  
修我狂似靈運此志那能投

淫雨

春雨無端苦浸淫滿天飛霧日光沈出門蒸潤濡木重  
歸路泥塗沒股深欲與陽烏開烈豔試呼風伯掃煩陰

明朝會見佳天氣只恐春歸無處尋

夜雨述懷

夜深風雨撼庭芭喚起新愁似亂麻  
夢覺尚疑身是蝶病蘇方悟影非蛇  
澆腸竹葉頻生暈照眼銀缸自結花  
我在故鄉非逆旅不煩杜宇喚歸家

送元範赴省

清峭霜天振羽翰共觀一鷲氣軒軒  
願將柱腹書千卷盡作憂時策萬言  
請繫單于同太傅不阿人主異公孫

龍頭素是君家物又見傳呼賈狀元

國朝賈黯賈安宅皆狀元

### 送劉政孫

早歲聲蜚講舍中漕臺前日始收功辛勤半世齎鹽學  
慷慨平生畎畝忠作佛首居靈運後登仙更與阮郎同  
瓊林宴罷游天祿太一然藜定照公

### 詠柳

東君於此最鍾情粧點村村入畫屏向我無言眉自展  
與人非故眼猶青縈牽別恨絲千尺斷送春光絮一亭



葉底黃鸝音更好隔溪烟雨醉時聽

毛虞卿見過

故人訪吾廬況是清和節高槐綠成陰芳草碧未歇攜  
手山間行清興浩然發呼童具雞黍濁酒醅初潑貧居  
媿荒涼野藪草羅列盤實釘梅豆蔬餐薦薇蕨主禮雖  
甚微客色未嘗舛醉翁山水意不為壺觴設蟹眼煎新  
汲雀舌烹春椀澆君文字腸掉我清談舌人生會面難  
歲月易飄忽君姑為我留忽忽莫言別

戊辰閏八月歸臨安觀舊題修竹黃楊丁香慨然  
有感復書三絕於後

吾家風物富擅藥最愛青青耐歲寒千里歸來面蒼玉  
不煩時復報平安

同日種松已合抱後來栽柳已參天笑看軒外黃楊樹  
我亦如君厄閏年

蕙蘭憔悴菊萎秋葉底藏春已數頭詩客不知花韻別  
却言空結雨中愁

望天台赤城山感而有作

神仙境界無戰爭，奚用設此巍巍城。吾聞秦皇昔多慾，  
富貴已極貪長生。蓬萊方丈欲親到，車轍馬迹無時停。  
萬騎南巡適吳越，天台咫尺行將登。仙山不容肉眼見，  
天為設險藏神靈。山中采藥使未返，鮑魚已向沙丘腥。  
秦為防胡築紫塞，連年不惜生靈害。天亦防秦甚防胡，  
赤城高峙烟霞外。神仙要非求可得，祖龍可笑徒勞役。  
當時劉阮本無心，花笑水迎山自闕。我向丹丘數往來，

羣仙杖舄未容陪  
揮毫欲續孫公賦  
愧無擲地金聲才  
日極蒼崖千萬丈  
世無仙骨那能上  
直須內外兩丹成  
駕鶴駝鸞如指掌

貧家連歲蠶荒今年尤甚  
妻孥有號寒之患  
每欲以酒自寬  
酒惡竟不能醉  
拙於生事殊可笑也  
表弟萬大年家蠶熟酒醇有足樂者  
因思舊詩有剝  
栽桑柘教妻蠶句  
遂和以寄之

年踰四十尚何堪  
愈老生涯愈不諳  
何以代耕猶未仕

初無可樂誤為男號寒兒訝桑條沃飲酒賓嫌蜜汁甘  
堪羨通家萬公子細君善釀更能蠶

大年和詩再用韻

年少如君種種堪文場世事兩俱諳何憂晁錯不高第  
未怕杜陵無好男大年詩有未  
祿無男之歎況有田園足耕養好窮  
水陸奉肥甘更須猛割閨房愛來與荀卿共賦蠶

李棟和詩復用前韻

維摩老病思何堪藥性從今却漸諳掩卷正思眠大室

論文俄喜遇奇男共嗟世路羊腸險剛怕人知鼠口甘  
聳壑昂霄君未晚吾衰已是食三蠶

用前韻寄周光宗

炎涼世態可能堪肺腑唯蒙長者諳耐久敢忘二世好

同庚況有兩家男

孟甲與光宗子同庚

我嗟風樹徒悲苦君奉庭

闈備旨甘他日相看兩黃髮願為隣舍話田蠶

送陸通判

劇郡元非老手便庶民安我貳車賢一年不肯足到邑

千里寧容吏索錢坐變池塘成貢宇平分風月上吟篇  
弟兄不減雲間陸拭目看君日九遷

我十年前游會稽堂名民事寓招提去尋神禹藏書穴  
歸汴子猷乘興溪萬壑千巖形夢寐十峯雙澗記留題  
鑑湖倘許知章乞首訪故人尊共攜

送潛老赴東禪

駐錫清源十五年月明臺靜忽飄然禪心莫為東禪起  
南北東西總是禪

難弟難兄漢二龔架娑縫掖各清風淵明已就歸田願  
蓮杜行將訪遠公



兩宋名賢小集卷一百六十一